

04 SEPTEMBRIE

RUGACIUNEA 3

SF. IERARH

IOASAF AL BELGORODULUI

Молитва

О великий Святителю наш и чудотворче предивный Иоасафе, скорый помощниче к тебе припадающих! Милостивно призри на нас недостойных, со слезами умиления zde молящихся и благодарение тебе по силе приносящих. Благодарим тя, угодниче Христов, яко услышал еси моления нас недостойных и просимая нам обильно даровал еси. Вемы и усты исповедуем, яко воистину Христу теплый о нас еси молитвенник и, по данной ти благодати и дару, во спасение всем нам потребная даруеши: болящия исцеляеши, страждущия утешаеши, мир и отраду скорбным сердцам изливаеши, плачущия радоватися творити, печальныя ликovati содеваеши: родителем чада вздравляеши, супругом подружия от одра смертнаго возставляеши, враждующия умиротворяеши, завистливия твориши милостивы, и всякия неправды караеши, якоже и в житии

твоим правды и милосердия мужественный ревнитель был еси. Благодарим тя, Святителю, за великая твоя и нам явленная благодеяния, и смиренно молимся тебе мы недостойнии: предстательствуй за нас у престола Христова, и помози нам память присную твоих благодеяний и щедрот на нас изливаемых хранить, да во смирении сердца прочее совершим житие, и небесное да наследуем селение Божественное, молитвами твоими, во веки веков. Аминь.